

KPMG ehf.
Borgartún 27
105 Reykjavík
Sími: 545 6000
kpmg.is

Samgöngu- og sveitarstjórnarráðuneytið

Okkar tilv.

Umsögn til
Samgöngu- og
sveitarstjórnarráðun
eytis.docx

10. júlí 2020

Umsögn um drög að breytingu á reglugerð nr. 1212/2015

Drög að breytingu á reglugerð nr. 1212/2015 um bókhald, fjárhagsáætlanir og ársreikninga sveitarfélaga

Ofangreind drög að breytingu á reglugerð nr. 1212/2015 liggja nú til umsagnar í samráðsgátt stjórnvalda.

KPMG telur ástæðu til að koma á framfæri nokkrum ábendingum vegna fyrirbyggjandi draga.

Umsögn

1. Í a-lið 1. gr. draga að reglugerð kemur fram að 3. – 5. mgr. 20. gr. reglugerðar nr. 1212/2015 falli brott. Af reglugerðinni verður hins vegar ekki annað ráðið en að umrædd 20. gr. innihaldi einvörðungu fjórar málsgreinar. 4. mgr. 20. gr. er svohljóðandi:

„Um reikningsskil dóttur- og hlutdeildarfélaga fyrirtækja sveitarfélags fer eftir lögum um bókhald og ársreikninga.“

Bagalegt væri að umrædd málsgrein yrði felld úr gildi þar sem hún tekur af vafa um reikningshaldslega meðferð dóttur- og hlutdeildarfélaga sveitarfélaga.

Í ljósi tilgangsins með tillögu að breytingu á reglugerðinni er því lagt til að einvörðungu 3. mgr. 20. gr. reglugerðar nr. 1212/2015 verði felld brott.

2. B-liður 1. gr. draga að reglugerðinni er að mati KPMG óskýr og vekur upp frekari spurningar um hvernig fara eigi með byggðasamlög í samanteknum reikningsskilum sveitarfélaga s.s. hvað varðar eftirfarandi:
 - a. Óljóst er hvort reglur um hlutfallslega samstæðu gildi varðandi reikningshaldslega meðferð byggðasamlaga.



Samgöngu- og sveitarstjórnarráðuneytið

Umsögn um drög að breytingu á reglugerð nr. 1212/2015

10. júlí 2020

- b. Óljóst er hvort beita eigi hlutdeildaraðferð.
- c. Óljóst er hvort beita eigi almennum reglum um samstæðureikningsskil í þeim tilvikum þegar eitt sveitarfélag fer með meirihluta ábyrgðar í byggðasamlagi.

Því er lagt til að orðalagi ákvæðisins verði breytt á þann veg að það sé skýrt og vísað sé með skýrum hætti til þess hvaða reikningsskilareglum skuli beitt við færslu byggðasamlaga í samanteknum reikningsskilum sveitarfélaga og samhliða verði nánari umfjöllun gefin út í formi greinargerðar eða með leiðbeiningum eða álitum frá reikningsskila- og upplýsinganefnd sveitarfélaga.

- 3. Lagt er til að umrædd breyting gildi um ársreikninga sveitarfélaga frá og með árinu 2021 þar sem langt er liðið á árið 2020.
- 4. Bent skal á að við umrædda breytingu tapast samanburðarhæfni við fjárhagsáætlanir í reikningsskilum sveitarfélags en ekki verður séð að breytingin feli í sér sambærilega skyldu um að fjárhagsáætlanir sveitarfélags innihaldi hlutfalllega áætlun byggðasamlaga.

Virðingarfyllst,
KPMG ehf.